

# NEWSLETTER OLIMPIJSKOG KOMITETA BIH

No.3, august 2020



## UVODNA RIJEČ POTPREDSJEDNIKA OK BIH

Poštovani sportisti, sportski radnici i ljubitelji sporta,

Veliko mi je zadovoljstvo da napišem nekoliko uvodnih riječi u trećem izdanju Newsletter-a Olimpijskog komiteta BiH, te podijelim razmišljanja i aktivnosti naših saveza i OK BiH sa vama.

I pored pandemije COVID-19 koja je prisutna i neizbjegna u našoj svakodnevničkoj životnoj situaciji mogu reći i konstatovati da se sportisti i sportski radnici kao i OK BiH

prilagođavaju radu i pokazuju rezultate u ovim nesvakidašnjim uvjetima.

Projekti usmjereni prema podršci našim najboljim sportistima-stipendistima, trenerima, sportskim savezima i drugi projekti prema Olimpijskoj solidarnosti se odvijaju u punom kapacitetu i bez većih problema.

Uspješno je završen "Tehnički kurs za trenere" Taekwondo saveza BiH, u toku je realizacija "Naprednih kurseva menadžmenta" u organizaciji OK BiH, mnogi savezi su otpočeli aktivnosti i državna prvenstva, a atletski i biciklistički savez su ih već uspješno održali. Odbojkaški savez BiH je čak uspio organizirati Evropsko U19 juniorsko prvenstvo. Također, podatak koji je od značaja je i da je zgrada Olimpijskog muzeja u završnim pripremama za svečano otvaranje.

Sve ove aktivnosti nas ohrabruju i daju nadu da ćemo se vratiti na sportske terene vrlo brzo. Mi pažljivo i svakodnevno održavamo komunikaciju sa MOK-om i EOK-om, te sve bitne informacije i zaključke proslijedujemo javnosti kako bi bili što jači u našoj zajedničkoj borbi protiv pandemije.

Pojedina takmičenja su zbog pandemije odgođena (YOG, Mediteranske igre, itd.) ali ohrabruje činjenica da se već u februaru vraćamo olimpijskim natjecanjima kroz organizaciju EYOF 2021 Vuokatti, a prema trenutnim informacijama i OI "Tokyo 2020".

**I pored specifičnih uvjeta za rad, mi u OK BiH redovito održavamo sjednice Izvršnog odbora i sastanke.**

**Upriličili smo prijem Ministrici porodice, omladine i sporta RS, gdje smo na konstruktivan i konkretan način došli do zajedničkih zaključaka za dobrobit sporta i sportista kako u entitetima tako i na državnom nivou.**

**Koristimo priliku da se zahvalimo Federalnom Ministarstvu kulture i sporta kao i Ministarstvu kulture i sporta Kantona Sarajevo na podršci OK BiH, Savezima BiH i olimpijskoj porodici sa nadom da će njihov put slijediti i Ministarstvo porodice, omladine i sporta RS, a pogotovo Ministarstvo civilnih poslova BiH i Vijeće ministara BiH.**

**U nadi da ćemo vrlo brzo dinamizirati sve naše aktivnosti kao i prije pandemije, želim vam mnogo privatnih i sportskih uspjeha, sa molbom da poštujete mjere zaštite od COVID-19 i ostanete zdravi zajedno sa vašim porodicama.**

**Sportski pozdrav,**

**Marijan Kvesić  
Potpredsjednik OK BiH**

## Posjeta ministrici Davidović Olimpijskom komitetu Bosne i Hercegovine

U prostorijama Olimpijskog komiteta BiH, upriličen je sastanak Ministarstva porodice, omladine i sporta Republike Srpske i čelnika Olimpijskog komiteta BiH.

Tema sastanka je bila jačanje saradnje OK BiH i Ministarstva porodice, omladine i sporta Republike Srpske kako bi se maksimizirala podrška sportistima i sportskim radnicima na entitetskom i državnom nivou.

Ministrica Davidović nije krila svoje oduševljenje velikim brojem uspješno realiziranih aktivnosti OK BiH, dok je Olimpijski komitet BiH iskazao zadovoljstvo na usvajanju novog Zakona o sportu Republike Srpske, koji će u prvi plan staviti sportiste.



Iskazana je obostrana želja za budućom kvalitetnijom saradnjom, te i zabrinutost za sport u vremenu COVID-19 pandemije, i vremenu nakon pandemije koji će sigurno biti težak za sport.

Više o sastanku možete pročitati na ovom [linku](#).

## OK BIH DONIRAO 2.000 MASKI STRUKOVNIM SPORTSKIM SAVEZIMA BIH U CILJU PREVENCIJE COVID-19




Od samog početka pandemije COVID-19 Olimpijski komitet Bosne i Hercegovine aktivno radi na prevenciji i zaštiti svoje Olimpijske porodice ali i šire javnosti.

U cilju zaštite naših sportista, sportskih radnika, administratora i uposlenika Olimpijskog komiteta, Grad Isen je kao znak podrške i zajedničke borbe donirao 2.000 maski Olimpijskom komitetu BiH čime je poslao poruku zajedništva i olimpijskih vrijednosti.

Olimpijski komitet BiH ovu donaciju proslijediće sportistima, strukovnim sportskim savezima BiH, kao i uposlenicima Olimpijskog komiteta BiH. Ovo je druga u nizu donacija Olimpijskog komiteta BiH prema sportistima i strukovnim savezima BiH. Ovom prilikom OK BiH se još jednom iskreno zahvaljuje Gradu Isen.  
Arigato!

## OLIMPIJSKI KOMITET PRIMJER DOBRE PRAKSE!



### Case Study 3

#### Developing the Human Resources of the Olympic Committee of Bosnia and Herzegovina



##### Background

Bosnia and Herzegovina is a country in southeastern Europe, and was part of the Republic of Yugoslavia until 1992. Established the same year, the NOC of Bosnia and Herzegovina (NOC BiH) plays a significant part in the country's sporting system and brings together 36 NFs: 23 Olympic summer sports, six Olympic winter sports, and seven non-Olympic sports. The NOC BiH is registered as a national non-governmental organisation (NGO) and receives little or no government funding, which means that it mainly depends on Olympic Solidarity and its own marketing for its financial support.

The NOC's Executive Board decided to improve the human resources of the NFs, and the NOC BiH assisted the NFs to carry out a thorough evaluation of their capacity and resources. The evaluation was designed to gain insight into the current situation and identify what could be changed to improve the general structure and state of both the NFs and their human resources. A total of 21 Olympic NFs were evaluated using the Readiness Assessment Tool (RAT) developed by the Oceania National Olympic Committees (ONOC) for use in developing sport systems. The tool is the NF version of the UMAP audit tool (described in Chapter 1) and assesses the NFs in the following areas:

- Governance
- Management
- Sport activity
- Finance
- Communication
- Physical resources
- Human resources
- Values

##### Analysis of Human Resources

The NOC BiH has six permanent employees, including the Secretary General, with little possibility of employing more personnel in the near future. The organisation must rely on the help and support of the country's NFs, which for the most part requires establishing and managing excellent cooperative relationships with them.



3. MANAGING HUMAN RESOURCES

The analysis showed that the NFs were below average in all of the fields above, but particularly in terms of human resources (see Table 3.8; right). As such, a decision was made to focus on building HR capacity, given its impact on all other areas.

##### Training and Motivation

The analysis of the NFs' human resources focused on management procedures, volunteers, education support, gender equality, and technical officials, coaching staff and administration. The assessment suggested that NFs needed to improve all the above factors. To address this, the NOC agreed to:

- introduce a management course for NFs' administration;
- create more educational opportunities for coaches and technical officials;

**Velika nam je čast i zadovoljstvo saopštiti našim članicama i čitaocima da je Olimpijski komitet Bosne i Hercegovine prikazan kao finalni primjer dobre i uspješne prakse upravljanja i edukacije ljudskih resursa u olimpijskim sportskim organizacijama širom svijeta u novom izdanju knjige Međunarodnog olimpijskog komiteta pod nazivom "Menadžment olimpijskih sportskih organizacija".**

Ova izvrsna knjiga napravljena je da pomogne sportskim organizacijama u svijetu da usvoje i utvrde principe efikasnog menadžmenta sa ciljem upravljanja promjenama u modernom sportu i prvi put je objavljena 2008. godine. Ona služi i kao udžbenik za "Napredne kurseve menadžmenta u sportu" te koristi svim ljudima uključenim u sportske organizacije koji traže način kako da unaprijede određene aspekte menadžmenta u svojim organizacijama. Stoga će pozitivna praksa Olimpijskog komiteta BiH biti dostupna u svih 206 NOK-ova svijeta u knjizi koja odražava savremena znanja, prakse i izazove sportskih organizacija.

Bitno je napomenuti i da je u toku realizacija Naprednih kurseva menadžmenta u sportu OK BiH koje pohađa 24 sportska radnika iz Bosne i Hercegovine. Edukacija se odvija online i ima za cilj unapređenje sportskih saveza i cjelokupnog sportskog sistema u BiH. Program prati osnovne menadžerske oblasti i predviđeno trajanje je sedam modula od dva radna dana.

## **OLIMPIJSKI KOMITET BIH U GODIŠNJEM IZVJEŠTAJU OLIMPIJSKE SOLIDARNOSTI ZA 2019. GODINU**



Olimpijski komitet Bosne i Hercegovine je u godišnjem izvještaju Olimpijske solidarnosti naveden kao uspješan primjer organizacije EYOF Sarajevo i Istočno Sarajevo.

Naime, Olimpijski komitet BiH zajedno sa gradovima Sarajevo i Istočno Sarajevo dobio je veliko svjetsko priznanje u Monaku za "diplomatsku akciju godine u svijetu", povodom uspješne organizacije Evropskog olimpijskog festivala za mlade - EYOF Sarajevo i Istočno Sarajevo u februaru 2019. godine.

Organizaciju ovog sportskog događaja Olimpijska solidarnost je prepoznala kao doprinos za vraćanje mira u Bosnu i Hercegovinu, što upravo pokazuje kako je moguće doprinijeti miru i skladnom razvoju čovječanstva.

Olimpijski komitet BiH je također prepoznat u izvještaju Olimpijske solidarnosti za 2019. godinu kao organizacija koja realizacijom pojekata održivosti u sportu predstavlja primjer uspješne prakse, te se upravo iz tog razloga u istom izvještaju nalazi fotografija sa Skakavac Ultra Trail-a održanog u Sarajevu u septembru 2019. godine.



The 2019 Skakavac Trail in Bosnia and Herzegovina

## MEĐUNARODNI OLIMPIJSKI KOMITET SPORTISTIMA OMOGUĆIO PRISTUP LINKEDIN LEARNING

Athlete365 je MOK-ova inicijativa stvorena od strane sportista i za sportiste. Ova inicijativa nudi alate, usluge i snažnu globalnu mrežu kako bi se sportisti mogli nositi sa izazovima sa kojim se susreću.

Naime, novo partnerstvo MOK-a sa Intelom pruža sportistima najbolje usluge mentorstva u karijeri, učenje i pripreme za karijeru, te savjetuje sportiste kako da se nose sa stresom.

Sudjelovanjem u programu omogućen je pristup brojnim prednostima, uključujući alate za zdravlje i dobrobit Headspace i EXOS, usluge učenja i razvoja iz LinkedIn Learninga i pristup Intelovom programu mentora.

LinkedIn učenje je internetska obrazovna platforma koja sportistima pomaže razviti poslovne, tehnološki povezane i kreativne vještine putem videozapisa pod vodstvom stručnjaka.

LinkedIn Learning nudi godišnji besplatni pristup preko 15.000 kurseva o tranziciji u karijeri, osnovama poslovanja, mentalnog blagostanja i još mnogo toga.

Registrirati se možete klikom na sljedeći [link](#).

EXCLUSIVE ATHLETE365 OFFER

Claim a free annual subscription to LinkedIn Learning

BROUGHT TO YOU BY

Worldwide Olympic Partner

## **TAEKWONDO SAVEZ BIH - TEHNIČKI KURS ZA TRENERE, Sarajevo 08 - 09.08.2020.**

U organizaciji Taekwondo saveza Bosne i Hercegovine i Olimpijskog komiteta Bosne i Hercegovine, kroz program fonda Olimpijske solidarnosti održan je tehnički seminar za trenere u taekwondo-u.

Covid-19 pandemija ustašta je brojne sportske manifestacije i takmičenja, ali su iz Taekwondo saveza pronašli način za održavanje ovog seminara.

Prilagođeni epidemiološkoj situaciji i preporukama nadležnih u vezi sa pandemijom, seminaru je prisustvovalo 50 trenera koji su kroz dva dana slušali online predavanja i kroz praktične primjere unaprijeđivali svoje znanje.



Uvodnu riječ samom događaju dao je generalni sekretar Olimpijskog Komiteta BiH, g. Said Fazlagić zajedno sa gđom. Dejanom Planinčić, dok su kroz dva dana treneri slušali online predavanja Dragana Jovića, sportskog psihologa dr. Marije Pavlović, nutricioniste Monike Varga, kondicijskog trenera Nebojše Šakića, dok je praktični dio vodio trener reprezentacije BiH Haris Husić.

Predsjednik Taekwondo saveza BiH g. August Orlović, član Izvršnog odbora g. Samir Šarić i

generalni sekretar saveza Vedran Ćubela, zajednički su istakli kako je Taekwondo savez BiH i u teškim danima za sport pronašao način za održavanje aktivnosti, te da će se u buduće prilagođavati uslovima i pokušati olaškati rad svojim klubovima i takmičarima.

Čitav događaj realizovan je kroz program fonda Olimpijske solidarnosti i pomoći Olimpijskog Komiteta Bosne i Hercegovine čiji je predsjednik, prof. dr. Izet Rađo dao završnu riječ i uz pridržavanje mjera nadležnih dodijelio certifikate učesnicima.

Predsjednik Olimpijskog Komiteta BiH kazao je kako je Taekwondo savez BiH svojim liderstvom odličan primjer i da će se u budućnosti najuspješnijim pokazivati savezi koji se, poštujući preporuke i pravila, ne plaše i rade na poboljšanju svih segmenta sporta. Vijest možete pročitati na sljedećem [linku](#).

## STRELJAČKI SAVEZ BIH - TEHNIČKI KURS ZA TRENERE - NAJAVA



U organizaciji Streljačkog saveza Bosne i Hercegovine i Olimpijskog komiteta Bosne i Hercegovine, a u okviru programa Olimpijske solidarnosti planirano je održavanje tehničkog kursa za trenere u streljaštvu.

Kurs će se održati u periodu od 17.09.-20.09.2020. u Trebinju, te će u potpunosti biti prilagođen epidemiološkoj situaciji i preporukama nadležnih u vezi sa pandemijom.

Glavni cilj programa "Tehnički seminari za trenere" je da se aktivnim trenerima pruži osnovna obuka na različitim nivoima. Treneri će imati priliku da kroz seminar nadograde svoje znanje ali i razmjene svoja lična iskustva i mišljenja.

## ŽELIMO DOBRODOŠLICU NOVIM STIPENDISTIMA OLIMPIJSKOG KOMITETA BOSNE I HERCEGOVINE

Podrška Olimpijskog komiteta Bosne i Hercegovine vrhunskim sportistima Bosne i Hercegovine, koji su potencijalni kandidati za OI Tokyo 2020 je jedan od prioritetnih aktivnosti OK BiH. Olimpijski komitet BiH putem fonda Olimpijske solidarnosti sprovodi program stipendiranja potencijalnih kandidata za učešće na Olimpijskim igrama u svakom četverogodišnjem Olimpijskom ciklusu kako za ljetno tako i za zimsko izdanje Olimpijskih igara.

U projekat stipendiranja za OI Tokyo 2020, uvršteno je troje novih sportista, dva iz taekwondo-a - Dinko Šegedin i Marija Štetić, koji su visoko rangirani na svjetskim rang listama, te atletičar - Abedin Mujezinović.



Bitno je napomenuti da su upravo ovi sportisti najozbiljniji kandidati za ostvarenje Olimpijske norme i učešće na OI Tokyo 2020. Pomenuti sportisti će uživati stipendije od septembra tekuće godine do završetka Olimpijskih igara Tokyo 2020, koje su pomjerene za narednu 2021.godinu. Trenutno OK BiH za ljetne OI Tokyo 2020 i zimske OI Peking 2022 stipendira ukupno 25 vrhunskih BiH sportista.

# PODRŠKA SPORTSKIM SAVEZIMA BIH

## Odbojkaški savez BiH

U sklopu press konferencije povodom održavanja Evropskog juniorskog prvenstva za odbojkašice do 19 godina prisustvovao je prof. dr Milanko Mučibabić, član IK OK BiH kooptiran u Predsjedništvo Olimpijskog komiteta BiH, koji je ovom prilikom uručio vrijednu sportsku opremu Odbojkaškom savezu Bosne i Hercegovine.

Prof. dr Mučibabić je istakao da organizacija prvenstva predstavlja sport Bosne i Hercegovine na evropskom i svjetskom nivou što je od posebnog značaja u sadašnjim okolnostima.



## Košarkaški savez BiH

### Košarkaškom savezu BiH uručeno 29 sportskih oprema

U sklopu projekta „Podizanje kapaciteta Sportskih strukovnih saveza BiH“ Olimpijski komitet BiH je uručio sportsku opremu i Košarkaškom savezu BiH. Naime, radi se o 29 sportskih kompleta renomiranog domaćeg brenda kompanije No1 iz Travnika u vrijednosti od 5.000 BAM.



## Olimpijski komitet BiH je bio specijalni partner prvog uličnog maratona sa AIMS (Asocijacija međunarodnih maratona i uličnih trka) certificiranim stazom „TWO CITIES MARATHON“ u organizaciji Udruženja „Dečki u plavom“

Udruženje "Dečki u plavom" organizovalo je prvu certificiranu cestovnu maratonsku utrku na području Sarajeva i Istočnog Sarajeva. Ovo je ujedno i prvo Državno prvenstvo BiH u maratonu.

Trkači su krenuli od Baščaršije, preko Pofalića, Nedžarića, pa sve do Vrela Bosne, zatim preko Hrasnice, Vojkovića, Lukavice, Dobrinje, pa preko Mojmila do stadiona Grbavica, odakle su nastavili preko Skenderije do Vijećnice.



Ovo je prvi maraton u regionu koji se organizuje u specifičnim uvjetima koji su prilagođeni trenutnoj epidemiološkoj situaciji. Svi učesnici su, prema pravilima bili dužni nositi masku od početka do kraja utrke, te su se tokom cijele utrke morali pridržavati pravila fizičke distance.

Kao specijalnom partneru organizatori su Olimpijskom komitetu BiH uručili prigodan poklon, majicu i medalju. Službene majice centralne utrke dizajnirala su djeca sa Down sindromom.



## 17. međunarodni Triatlon kup "Kulin ban"



trčanju (5.000 metara) i vožnji bicikлом (20 km), neprekidno.

Svi takmičari su učestvovali u absolutnoj kategoriji, a osim nje, učesnici su razvrstani i prema godištima.

Plivanje se odvijalo u jednom od najljepših prirodnih jezera u BiH, a biciklistička staza je vodila kroz prekrasan kraj koji je prije svega poznat po neukroćenim vrletima planina Visočice, Bjelašnice i Prenja.

Staza za trčanje pratila je obalu jezera i na kraju završavala prolazom kroz voćnjak šljiva i jabuka. Zona izmjene je bila u neposrednoj blizini početka plivanja i ciljne ravnine.

Interes za ovogodišnji triatlon kup bio je veći, ali je zbog pandemije koronavirusa broj takmičara ograničen na stotinu.

Triatlon asocijacija u BiH u saradnji i pokroviteljstvu Olimpijskog komiteta BiH u periodu od 28.08.-30.08.2020 godine organizirala je 17. međunarodni Triatlon kup "Kulin ban" Boračko jezero 2020 koje se nalazi u srcu planine Prenj nadomak Konjica.

Glavna utrka je održana u subotu 29.08.2020. sa početkom u 15:00 sati, na kojoj je učestvovalo oko 100 takmičara iz BiH i regije.

Takmičari su se nadmetali u sprint distanci - plivanju (750 metara),



Osim navedenog, pred organizatorima je bio zahtjevan zadatak da osiguraju uslove za poštivanje propisanih i preporučenih higijensko-epidemioloških mjera pa je u Eko selu Boračko jezero, kao domaćinu takmičenja, bio omogućen prostor za neophodnu fizičku distancu, a osigurane su i dovoljne količine maski i zaštitnih dezinfekcionalih sredstava.

Čitavu vijest možete pročitati na [linku](#).

## OK BIH SPECIJALNI PARTNER SKAKAVAC I JAHORINA ULTRA TRAIL 2020

Ovogodišnja izdanja, sada već tradicionalnih utrka Skakavac i Jahorina Ultra Trail organizovati će se u manjem broju i poštujući mjere zaštite propisane u okolnostima epidemije COVID-19. I ove godine, OK BiH je uz status specijalnog partnera podržao pomenute projekte koji promovišu prirodne i turističke ljepote Bosne i Hercegovine.

Nadamo se da će naredna izdanja ponovo biti u redovnim okolnostima i sa velikim brojem domaćih i međunarodnih učesnika, kao što je bio slučaj u proteklim godinama.

Više o događaju Skakavac Ultra Trail možete pročitati na [linku](#).

Više o održanom događaju Jahorina Ultra Trail možete pročitati na [linku](#).



## IZVJESNO ODRŽAVANJE ZIMSKOG EYOF-A VUOKATTI 2021

Iako su do sada odgođena i otkazana brojna međunarodna takmičenja, Evropski olimpijski komitet i organizator zimskog EYOF-a 2021 vjeruju da je izvjesno održavanje pomenutog takmičenja u 2021. godini. EOK i Organizacioni komitet Vuokatti 2021 će svakako djelovati u skladu sa eventualnim promjenama i razvojem situacije vezane za pandemiju COVID-19.

Po rasporedu takmičenja EYOF Vuokatti će se održati od 06. do 13. februara 2021. godine u finskoj regiji Kainuu. Na programu će biti devet sportova, a učešće je potvrdilo 48 zemalja Evrope. Više možete pročitati na [linku](#).

## **YOG DAKAR 2022 ODGODJEN ZA 2026. GODINU**

Međunarodni olimpijski komitet i Senegal su zajednički odlučili da odgode Olimpijske igre mlađih koje su bile planirane u glavnom gradu Senegala, Dakaru, 2022. godine.

Odgadanje YOG Dakar 2022 omogućava MOK-u, Nacionalnim olimpijskim komitetima i Internacionalnim federacijama da bolje planiraju svoje aktivnosti na koje je već uticalo odgadanje Olimpijskih igara Tokyo 2020 kao i naknadna pomjeranja velikih međunarodnih sportskih događaja uz operativne i financijske posljedice globalne zdravstvene krize.

Izvornu vijest možete pročitati na ovom [linku](#).



## **ODGOĐENE MEDITERANSKE IGRE ORAN 2021**

Međunarodni komitet Mediteranskih igara (ICMG) i Vlada Narodne demokratske Republike Alžir donijeli su zajedničku odluku o odgodi Mediteranskih igara Oran 2021 za 2022. Godinu.

Odlaganje MI Oran prvenstveno je motivisano zajedničkom željom da se zadovolji periodičnost takmičenja u okviru olimpijskog kalendarja, pojačaja kvalitet i dinamika Mediteranskih igara, kao i zaštiti zdravlje sportaša s jedne strane i osigura njihovu optimalnu pripremu za ovaj veliki multinacionalni sportski događaj.



Konačno, zajednički cilj je omogućiti Alžiru i Oranu da ponudi cijelom mediteranskom sportskom pokretu sjajno izdanje Mediteranskih igara 2022. godine. Tačan datum održavanja se očekuje uskoro.

Izvornu vijest možete pročitati na ovom [linku](#).

## EU PROJEKTI



23 - 30 September

### EVROPSKA SEDMICA SPORTA 2020 #BEACTIVE

Ove godine, kao i prethodnih godina, Evropska sedmica sporta se obilježava od 23. do 30. septembra i u Bosni i Hercegovini. Za organizaciju događaja u sklopu ESP-a odgovorno je koordinaciono tijelo, čiji član je i Olimpijski komitet Bosne i Hercegovine.

Olimpijski komitet Bosne i Hercegovine će Evropsku sedmicu sporta ove godine obilježiti jednodnevnim događajem u saradnji sa Golf savezom BiH. Također, mjesec septembar će biti u znaku Evropske sedmice sporta na društvenim mrežama OK BiH, stoga nas pratite na Facebook i Instagram profilu OK BiH za više informacija.

Uvezši u obzir trenutnu situaciju sa COVID-19 i restriktivnim mjerama diljem svijeta i BiH, kampanja #beactive je preimenovana u #beactiveathome, te će se svaki događaj organizovati poštivajući restriktivne mjere na snazi.

Evropska sedmica sporta se obilježava kako bi pomogla i stvorila svijest o važnosti aktivnog načina života za sve. Evropska sedmica sporta osnovana je 2015. godine, kao odgovor na pogoršavajuću krizu neaktivnosti. Unatoč sportu i tjelesnim aktivnostima koji znatno doprinose dobrobiti evropskih građana, nivo tjelesne aktivnosti trenutno stagnira i pada u nekim zemljama. Upravo iz tog razloga Evropska sedmica sporta je sjajan način doprinosa fizičkoj aktivnosti evropskih građana. Od samog početka, iz godine u godinu, Evropska sedmica sporta okuplja sve veći broj učesnika, te se očekuje da će ove godine broj učesnika sigurno preći postavljene rekorde.

Kampanja #beactive u sklopu Evropske sedmice sporta započinje svake godine 23. juna na dan obilježavanja Olympic Day.

## SENTA



U sklopu realizacije projekta SENTA, koji ima za cilj da kreira edukativni program za vrhunske sportiste u polju društvenog poduzetništva, Olimpijski komitet BiH kao partner u realizaciji ovog Erasmus + sport projekta je kreirao edukativni sadržaj za potrebe modula Društveni poduzetnik.

Uzevši u obzir da će se edukativni


program odvijati u potpunosti online, OK BiH je napravio video intervju sa uspješnim primjerom Društvenog poduzetnika. mr.sci. Erolom Mujanovićem. Erol Mujanović je student na doktorskom studiju Društvenog poduzetništva te je i jedan od suosnivača "Sarajevo Marathon", stoga predstavlja odličan primjer uspješnog društvenog poduzetnika u BiH.

Kompletan intervju će biti dostupan prijavljenim studentima SENTA online edukacije, a poslije edukacije bit će objavljen i na youtube kanalu OK BiH. Prijave za SENTA online edukaciju će biti otvorene u oktobru 2020 i dostupne putem web stranice i društvenih mreža OK BiH.

## MUZEJSKE PRIČE

U okviru realizacije projekta Muzejske priče koji se finansira sredstvima IPA CBC Serbia - Bosnia and Herzegovina, Olimpijski komitet BiH kroz aktivnosti Olimpijskog muzeja je korisnik sredstava predviđenih ovim projektom.

Uz mnogobrojne aktivnosti ovog projekta, predviđena je i izrada aplikacije koja će sadržavati opis muzeja uključenih u ovaj projekat, uz audio vodiča za određene eksponate. Među njima je i naravno Olimpijski muzej. Aplikacija je u završnoj fazi izrade i bit će dostupna široj javnosti početkom mjeseca novembra. U ovom izdanju Newsletter-a možete pogledati kako izgleda testna aplikacija.



## PARAINSPIRED



Usljed mnogobrojnih restrikcija uzrokovane COVID-19 mjerama, završne aktivnosti u projektu Parainspired nisu mogle biti organizovane. Donator je prepoznao navedene probleme, te omogućio produženje projekta do 30. septembra 2020. godine. Pratite veliko finale projekta Parainspired na našim društvenim mrežama.

# SPORTSKI SAVEZI BiH

## GOLF SAVEZ BIH - WOMEN'S GOLF DAY



Svake godine u svijetu na ideju kompanije Women's Golf Day jedan dan na golf terenima širom svijeta posvećeno je samo damama. Sjajnom organizacijom i u Sarajevu na golf terenu "VF" golferi su ugostile buduće golferke, kako bi pokazali svu ljepotu ovog sporta, ali i iskusne golf dame koje su igrale svoj turnir.

Olimpijski komitet Bosne i Hercegovine podržao je obilježavanje Women's Golf Day, te se gošćama obratio i predsjednik Olimpijskog komiteta BiH prof.dr. Izet Rađo kao i generalni sekretar Olimpijskog Komiteta BiH dr.sci. Said Fazlagić koji su istakli značaj uključenja žena u sport ali i odličnu saradnju koju imaju Olimpijski komitet BiH i Golf Savez Bosne i Hercegovine, koja će se nastaviti konkretnim aktivnostima i podrškom Golf savezu BiH i sportistima.

Na oficijelnom turniru je učestvovalo 9 dama svi iz GK Sarajevo. Igrale su 18 rupa i najbolje su bile: Anita Selmanagić, Edina Sudžuka i Alma Mekić - Tataragić.

U netu su najbolje Dženana Šaran, Arjana Selmanagić i Minka Baroš. Nagrade od GK Sarajevo i sponzora ove manifestacije su doobile i ostale učesnice ovog turnira Mirjana Mirković, Tatjana Rajačić i Alma Ahmić.



U isto vrijeme dok su članice GK Sarajevo igrale turnir, Dejan Šaran, učitelj golfa objašnjavao je gošćama prve korake ove igre i zašto je golf igra poštenja, poštovanja i solidarnosti.

Na zajedničkoj večeri svih dama sa rukovodstvom GK Sarajevo, učesnicima ove manifestacije obratili su se i članovi UO GK Sarajevo predsjednik Sead Balić, Edina Sudžuka i Dejan Šaran koji su zajednički istakli važnost uključenja dama u ovaj sport.



Uzevši u obzir da ove godine Olimpijski komitet Bosne i Hercegovine u sklopu organizacije događaja za potrebe obilježavanja Evropske sedmice sporta 2020, isti organizuje sa Golf savezom BiH, te i činjenici da je Evropska Unija poseban akcent stavila na povećanju učešća žena u fizičkim aktivnostima i sportu, Women's Golf Day je odličan početak mjeseca septembra koji je u znaku obilježavanja Evropske sedmice sporta.

# SPORTSKI SAVEZI BiH

## ODBOJKAŠKI SAVEZ BIH



Odbojkaški savez Bosne i Hercegovine dobio je pohvale CEV-a (Evropske odbojkaške konfederacije) za organizaciju Evropskog juniorskog prvenstva za odbojkašice koje je održano od 22. do 20. augusta u Zenici. Nakon grupnog takmičenja koje je održano u Hrvatskoj (Osijek) i Bosni i Hercegovini (Zenica) u Gradskoj areni „Husejin Smajlović“ u Zenici je održana završnica, to jest polufinalni i finalni mečevi kao i susret za treće mjesto.

Radi se o prvom odbojkaškom, ali i dvoranskom takmičenju ovakvog tipa u svijetu od proglašenja pandemije koronavirusa Covid-19. Zbog toga je posebno trebalo voditi računa o sigurnosti takmičara. Zenica, država Bosna i Hercegovina i Odbojkaški savez BiH, ne samo da su osvjetlali obraz naše zemlje, nego su i položili test u evropskim i svjetskim okvirima i pokazali da je moguće u specifičnim uslovima u vrijeme pandemije održati sportska takmičenja.

CEV je ocijenio organizaciju takmičenja u Areni, smještaj igračica u Hotelu Zenica, sigurnosne uslove, poštovanje Covid protokola i medijske aktivnosti sa najvišom ocjenom A+. Zbog toga je ponudio OSBiH i Zenici da budu domaćini 2022. godine Final four-u seniorske lige šampiona za žene u odbojci.

## ATLETSKI SAVEZ BIH

Atletika, kao ni ostali sportovi, nije ostala pošteđena negativnih posljedica pandemije korona virusa, koja, nažalost i dalje onemogućava realizaciju brojnih planova, posebno kada su domaća i međunarodna takmičenja u pitanju.

Brojna od njih su definitivno otkazana ili odgođena za druge termine u drugoj polovini ove i u narednoj godini. Kada su u pitanju domaća prvenstvena takmičenja, definitivno je otkazan samo Kup BiH u bacanjima, dok su ostala takmičenja, koja su se trebala održati u martu, aprilu, maju i junu, po odluci Upravnog odbora BiH, odgođena za nove termine u julu, avgustu i septembru.

Sa zadovoljstvom ističemo da u periodu moratorijuma za takmičenja klubovi nisu zatvorili vrata, već su se organizovali i u datim uslovima održavali redovne treninge i manja interna takmičenja.



**Prvo zvanično takmičenje, Prvenstvo BiH na 10 000m na stazi i u hodanju, održano je 12. jula.**

Nakon njega uslijedila su prvenstva BiH za mlađe juniore/ke – Sarajevo, za pionire – Tuzla, u maratonu – Sarajevo, za dječake/ce u Sarajevu i seniore/ke u Zenici u kojoj se 23. 08. održalo i Ekipno prvenstvo BiH za seniore/ke.

Treba istaći da je odziv klubova i takmičara/ki na svim navednim takmičenjima bio iznad očekivanja. Sva ova takmičenja provedena su u skladu sa propisanim mjerama i preporukama nadležnih kriznih štabova i nadležnih organa za borbu protiv epidemije korona virusa i da su svi organizatori uložili veliki trud da se te mjere i preporuke primjene, a učesnici da ih poštuju.

## **SAVEZ DIZAČA TEGOVA BIH**



Usklađu sa COVID19, OWF je organizirala modifikovani e-mail tournament, otvoreno Prvenstvo, na kojem su učestvovali 63 Saveza cijelog svijeta sa ukupno 751 takmičarem.

U konkurenciji žena, Amina Mašić je zauzela 29. mjesto, a Iris Pašić 55. mjesto, što su odlični plasmani obzirom da je nastupilo 358 takmičarki.

U konkurenciji takmičara još bolji plasmani. Od ukupno 393 takmičara, odlično 9. mjesto zauzeo je Ermin Jusufović, za nijansu lošije 22. mjesto, zauzeo je Benjamin Druškić, a isto tako odlično 60. mjesto osvojio je Hamza Mašić, ostavivši iza sebe brojne takmičare svjetskog nivoa.

## **BADMINTON SAVEZ BIH**

Takmičarski badminton je isključivo dvoranski sport, to je uslovljeno činjenicom da glavni badminton rekvizit, badminton „loptica“, ne trpi ni dašak vjetra, svako strujanje zraka utječe na njeno kretanje u toj mjeri da to dovodi do neregularnosti takmičenja.

Svjetska badminton federacija (BWF), u želji da omogući što većem broju zaljubljenika u takmičarski badminton da uživaju u svom omiljenom sportu i u prirodi, je objavila konkurs za kreiranje nove badminton loptice.

Nakon više godina i 30 ponuđenih modela krajem prošle godine je konačno proizvedena loptica koja u najvećoj mjeri zadovoljava zahtjeve BWF-a, prije svega ima sposobnost da se dobro nosi sa vjetrovima do brzine od 12 km/h.



I tako je AirBadminton postao realnost na veselje mnogih koji vole badminton.

Više informacija potražite na [linku](#).

## SAVEZ KLIZAČKIH SPORTOVA BIH



Nakon zajedničkih treninga klizača Bosne i Hercegovine i Srbije, u periodu od 27. jula do 05. augusta, na ledenoj plohi Sportske dvorane Mirza Delibašić, naše klizače, trenere i sudije očekuje učešće u Regionalnom razvojnom kampu Međunarodne klizačke unije, koji će se održati u Sarajevu.

Ideja o organizaciji istog, nastala je kao plod saradnje Saveza klizačkih sportova BiH i Klizačkog saveza Srbije. U sklopu ovog kampa, u periodu od 23.8. do

06.09. održaće se oko 100 sati zajedničkih treninga za klizače, kao i sudijski i trenerski seminari koji predstavljaju nadogradnju na one održane u sklopu TCC iz februara ove godine. Kamp je podržan od strane Svjetske klizačke unije, a u organizaciji Saveza klizačkih sportova BiH i dokaz je kako se zajedno može više.

Posebnu zahvalnost dugujemo menadžmentu KJP Skenderija, koji je stvorio uslove i učinio da, ovoga ljeta, Bosna i Hercegovina bude jedna od rijetkih zemalja sa funkcionalnom ledenom plohom.

## BICIKLISTIČKI SAVEZ BIH

Za prvenstvo Evrope u Francuskoj kvalifikovali su se BH biciklisti Vedad Karić senior elite, Sergej Maksimović i Luka Milijević juniori. Reprezentaciju BiH je vodio Miljan Maksimović.

Konkurenca je bila prejaka za naše bicikliste, tako da ni jedan naš takmičar nije ostvario plasman, odnosno trku su završili negdje oko polovice staze.



## IN MEMORIAM

### Suad Karajica 1959-2020



Olimpijac u sankanju Suad Karajica svoju sinkašku karijeru je počeo 1980.godine, a na ZOI 1984. u Sarajevu bio je član reprezentacije EX Jugoslavenskog tima u sankanju.

Nakon Igara 1984.g. ostvario je još nekoliko zapaženih rezultata. Najvredniji su svakako 12. mjesto na Svjetskom kupu u Sarajevu i pobeda na Američkim igrama 1986. u Lejk Plesidu.

Karajica je živio i radio u Švedskoj gdje je i preminuo.

Olimpijski komitet BiH porodici i prijateljima izražava saučešće.

## SPORTISTI ŠALJU POZDRAVE SA PRIPREMA



**Abedin Mujezinović**  
Atletika



**Marko Šljivić**  
Alpsko skijanje

**Strahinja Erić**  
Ski trčanje




**Hamza Alić**  
Atletika



**Elvedina Muzaferija**  
Alpsko skijanje



**Mesud Pezer**  
Atletika



**Stefan Anić**  
Ski trčanje

**Lejla Tanović**  
Biciklizam



**Emir Lokmić**  
Alpsko skijanje

## Intervju sa NOVIM ČLANOVIMA OLIMPIJSKE PORODICE BIH



### Marija Štetić

**OK BiH:** Bosansko-Hercegovačka javnost i Olimpijska porodica je sa oduševljenjem primila vijest da ćete nastupati za BiH tim u Taekwondo-u. Kakav je Vaš osjećaj?

**Marija Štetić:** Jako sam sretna. Olimpijski komitet BiH nam je pomogao da ispunimo svoje želje. Svakom vrhunskom sportašu su Olimpijske igre kruna karijere. Tako da mi smo jako sretni. Ja sam sretna što je Olimpijski komitet BiH tu da zajedno idemo do tog cilja.

**OKBiH:** Možete li upoznati BiH javnost kako ste počeli trenirati i Vašom kratkom sportskom biografijom?

**MŠ:** Krenula sam trenirati kao mala, sa 7 godina. Klub se nalazio u mom naselju i moji roditelji su me pitali da li želim početi trenirati Taekwondo, a ja sam rekla da, i tako sam krenula. Već 20 godina treniram Taekwondo i svake godine se sve više nizalo uspjeha i medalja, sticala sam nova prijateljstva i meni se to sve svidjelo. Naravno kada sam došla u seniore tu se vidjelo da ja mogu jako puno toga dati da sam jedan od dobrih sportaša u Taekwondo-u. Tako je sve išlo godina za godinom, medalja za medaljom i došlo je vrijeme da se pripremamo za kvalifikacije za Olimpijske igre. Kada si stariji, san ti je otići na Olimpijske igre. Sretna sam.





**OK BiH:** *Koja su Vaša najveća sportska dostignuća?*

**MŠ:** *Moja najveća sportska dostignuća su:*

- 3. mjesto u Evropi**
- 5. mjesto u svijetu**
- 3. mjesto na Grand Prix**
- 1. mjesto na Evropskom prvenstvu u olimpijskim kategorijama**

**OK BiH:** *Na koji način se pripremate u vrijeme pandemije?*

**MŠ:** *Mene pandemija nije spriječila u pripremama i treningu. Mi treniramo u jednom malom krugu sportaša. Treniramo kao da nam je sve isto. Pripremamo se kao da su natjecanja i dalje tu. Uvijek moramo biti spremni. Kada god natjecanja počnu mi ćemo biti u formi.*

**OK BiH:** *Pitanje koje sigurno sve naše ljudi interseuje jest da li ćete se uspjeti kvalifikovati na Olimpijske igre i kakve su šanse da to i postignite?*

**MŠ:** *Ja sada neću reći da ću se uspjeti kvalificirati, ali imam jako velike mogućnosti i veliku želju da se kvalificiram. Vidjet ćemo. Ja ću sve od sebe dati. Moje je da treniram, ovdje je tim da me podržava i gura prema naprijed. Kada se vratimo sa kvalifikacijama tada ću moći tačno odgovoriti.*

**OK BiH:** *Ukoliko se kvalifikujete na Olimpijske igre "Tokyo 2020" da li ste svjesni činjenice da ćete biti jedan od najozbiljnijih kandidata za osvajanje prve historijske olimpijske medalje za BiH i da li Vas to dodatno motiviše?*

**MŠ:** *Na početku nisam bila, ali naravno kako vrijeme ide stvarno shvaćam da je to velika i povjesna priča i naravno da me tjera naprijed. Želim za sebe i za Bosnu i Hercegovinu tu medalju, jer kako je meni vrijedna tako je i cijeloj Bosni i Hercegovini. Oduševljena sam tom činjenicom.*

## Dinko Šegedin

**OK BiH:** *BiH javnost i Olimpijska porodica je sa oduševljenjem primila vijest da će nastupati za BiH u Taekwondo-u. Kakav je Vaš osjećaj?*

**Dinko Šegedin:** Nakon dugog perioda napokon su se sve administrativne procedure završile i sada smo usmjereni na treninge, pripreme za turnire i osvajanje medalja, odnosno ono što sportašima najbolje ide.



**OK BiH:** *Možete li upoznati bh.javnost kako ste počeli trenirati Taekwondo i vašom kratkom sportskom biografijom?*

**DŠ:** Počeo sam se baviti Taekwondo-om kada sam imao četiri godine. Otac mi je bio trener, kao što je i dan danas. Zanimao me je taj sport, tako da sam se sa četiri godine počeo "igrati", uklopio sam se u grupu sa kojom sam trenirao i počeo sebi postavljati kratkoročne ciljeve. Pripremao sam se za prve turnire, neke sam pobjeđivao, a neke izgubio. Kroz postavljanja laganih ciljeva sam došao do onoga najvećeg, sad gledam prema Olimpijadi i pripremam se ka ostvarivanju tog cilja.

**OK BiH:** *Koja su vaša najveća sportska dostignuća?*

**DŠ:** 2014. godine bio sam član nacionalnog tima Hrvatske na Evropskom prvenstvu, te godine smo postali evropski prvaci. Godine 2017. sam bio 9. na Svjetskom prvenstvu, izgubio sam u ranijoj fazi od kasnije svjetskog prvaka. Također, imam šest medalja sa raznoraznih drugih evropskih takmičenja, kao dosta medalja sa G1 i G2 turnira, te državnih turnira.

**OK BiH:** *Na koji način se pripremate u vrijeme epidemije?*

**Dinko Šegedin:** Pripremam se i treniram sukladno sa regulativama, koje se stalno mijenjaju, tako da i ja svoj trening prilagođavam mjerama, koje su u tom trenutku na snazi. Trenirati se mora, pokušavamo što više trenirati vani, na otvorenim prostorima, izbjegavam trening u velikim grupama i dosta treniram individualno. Fokusirao sam se na stvari koje nisam mogao odraditi tokom normalnog natjecateljskog ritma, pa ćemo vidjeti kako će se uklopiti u finalnu izvedbu tokom turnira. Moram reći da jedva čekam da krenu turniri, da mogu demonstrirati sve usvojeno i da testiram svoju trenutnu spremnost.



**OK BiH:** Pitanje koje sigurno sviju interesuje jeste da li ćete se uspjeti kvalifikovati na Olimpijske igre i kakve su realne šanse da to i postignite?


**DŠ:** Da mislim da se ne mogu kvalifikovati, ne bih ulazio u cijelu ovu priču. Kao sportaš to najviše želim, imam tim profesionalnih ljudi okosebe koji će odraditi svoj dio posla i mislim da ću na kvalifikacijskom turniru biti 100% spremna i to trebam u borbama dokazati. Međutim, vjerujem da će i

konkurenčija biti maksimalno spremna i u trenutku kada treba prelomiti svaku borbu, mislim da ću uspjeti, što će na kraju rezultirati mojim nastupom na Olimpijskim igrama.

**OK BiH:** Ukoliko se kvalifikujete na OI Tokyo da li ste svjesni činjenice da ćete biti jedan od najozbiljnijih kandidata za osvajanje prve i historijske Olimpijske medalje za Bosnu i Hercegovinu?

**DŠ:** Mi sportaši iz svih segmenta trebamo izvlačiti motivaciju. Historijska medalja za Bosnu i Hercegovinu nije nešto što me samo dodatno motivira, nego to smatram i svojom obavezom. Put Olimpijade je dug i težak, zna se koji broj sportaša uspije učestvovati na Olimpijadi. Ja ulažem sve svoje napore u tom smjeru i na taj način se pokušavam upisati u povijest, jer nije mala stvar biti prvi ko osvoji medalju. Nadam se da neću samo ja biti prvi, nego da ćemo mi u Taekwondo-u osvojiti dvije medalje, za početak. Nećemo biti skromni.

## ZAVIRITE U DRUŠTVENE MREŽE OK BiH (klikom na sliku)



Pratite nas na društvenim mrežama:  
(klikom na ikone)



©2020. Olimpijski komitet Bosne i Hercegovine. Sva prava  
zadržana.  
[www.okbih.ba](http://www.okbih.ba)

Specijalnu zahvalnost dugujemo sponzorima i partnerima OK BiH.  
Klikom na logo posjetite njihove oficijelne stranice.

**TOYOTA**

**No1**

**LUTRIJA**  
BOSNE I HERCEGOVINE

**bh** **Coca-Cola**

**XGB3**

**SARAJEVO OSIGURANJE**